



COMUNE DE PUTUMAJORE

TZITADE METROPOLITANA DE TATARI

CONTRIBUTOS PRO SU DERETU A S'ISTUDIU

BURSA DE ISTUDIU REGIONALE - A.Is. 2025/26 (L.R. 5/2015 – DGR 50/5 de su 24.092025)

BONU LIBROS - A.Is. 2026/27 (ART. 27, L. 448/1998 – DGR 50/5 de su 24.09.2025)

A V I S U

S'informatu sa tzitadinàntzia chi sunt istados ativados sos interbentos chi sighint pro su deretu a s'istùdiu:

1. BURSA DE ISTUDIU REGIONALE (A.Is. 2025/26)

pro sos istudiantes de sas iscolas pùblicas primàrias e secundàrias de primu gradu, su nùcleu familiare de sos cales apat un'indicadore de sa situatzione econòmica ecuivalente (ISEE) in cursu de valididade, cunforma a su D.P.C.M. n. 159/2013, inferiore o che pare a **€ 14.650,00**.

Sos istudiantes chi ant presentadu sa dimanda pro s'assegnatzione de sa bursa de istùdiu natzionale A.Is. in isetu de s'aprovatzione de sa graduatòria regionale de sos beneficiàrios, podent presentare sa dimanda puru pro sa bursa de istùdiu regionale. Tra sas duas bursas de istùdiu b'at incumpatibilidade solu in sa fase de erogatzione de su giuamentu.

2. BONOS LIBROS (A.Is. 2026/27)

pro sos istudiantes de sas iscolas secundàrias de primu e segundu gradu, su nùcleu familiare de sos cales apat un'indicadore de sa situatzione econòmica ecuivalente (ISEE) in cursu de valididade, cunforma a su D.P.C.M. n. 159/2013, inferiore o che pare a **€ 20.000,00**. Su bonu est vàlidu solu pro sos libros de testu (sunt duncas esclùidos vocabolàrios, atlantes e/o àteru materiale iscolàsticu).

S'importu unitàriu de onni bonu singulu de reconnòschere a onni istudiante beneficiàriu at a èssere definidu dae sa Regione Sardigna e no at a pòdere èssere superiore a:

- 250,00 èuros pro sos istudiantes chi in s'A. Is. 2026/27 ant a frequentare su primu annu de s'iscola secundària de segundu gradu o su primu annu de sos ùrtimos tres annos de s'iscola secundària de segundu gradu;
- 150,00 èuros pro sos istudiantes in s'A.Is. 2026/27 ant a frequentare sos àteros annos de s'iscola secundària de primu o segundu gradu.

MODALIDADE DE PRESENTAZIONE DE SA DIMANDA

Podent presentare sa dimanda a sos ufizios comunales de residèntzia (**cunsigna a manu o imbiende sa documentatzione solu in formadu PDF** a s'indiriztu protocollo@pec.comune.pozzomaggiore.ss.it) **intro e no a fora de mèrcuris 24 de làmpadas de su 2026** su babbu o mama, su tutore legale de s'istudiante e s'istudiante matessi (s'at l'òmpidu sos 18 annos), cumpilende su mòdulu apòsitu e alleghende sa documentatzione chi sighit:

- fotocòpia de s'atestatzione ISEE in cursu de valididade intregada cunforma a sa normativa previdida dae su DPCM n.159/2013;
- fotocòpia de su documentu de reconnoschimentu de su rechedente in cursu de valididade, in casu de firma autògrafa de sa dimanda.

MODALIDADE DE EROGAZIONE DE BONOS LIBROS

Sa documentatzione giustificativa de s'ispeza sustènnida pro s'acustu de sos libros de testu (faturas e/o iscontrinos chi atestant) devet èssere presentada a sos ufizios comunales cumpetentes cantu prima e semper e cando no a fora de su 30 de cabudanni de su 2026.

No est possibile presentare retzidas pro acustos fatos pro mèdiu de àteros giuamentos (Carta de su dotzente, Bonus cultura, Carta Postepay Bursa de Istùdiu, etz.).

INFORMATIVA "PRIVACY"

Sas informativas subra de sa "privacy" sunt allegadas a custu avisu.

MODULISTICA E INFORMATZIONES

Sa modulistica de impitare est a dispositzione in su giassu istituzionale de sa Regione Sardigna (www.regione.sardegna.it), in su giassu istituzionale de su Comune de Putumajore (www.comune.pozzomaggiore.ss.it) e in sos ufizios amministrativos de su Comune.

Pro àere prus informatziones sos ufizios comunales sunt abertos dae su lunis a su chenàbura, dae sas 8:30 a sas 12:30, nùmeru telefònicu 079 801123, indiriztu PEC protocollo@pec.comune.pozzomaggiore.ss.it

Su Sindigu
Mariano Soro